

# Raad van Direkteure

## ■ UITVOERENDE DIREKTEURE



### JW Basson (62)\*

BCom STR GR(SA)

#### Hoof Uitvoerende Beampte

Mnr JW Basson het gedurende 1971 by Pep Stores as finansiële bestuurder aangesluit en is in 1975 as direkteur in die Pepkor Direksie aangestel. Hy dien steeds daardie maatskappy in hierdie hoedanigheid. Hy is onderskeidelik die uitvoerende hoof en besturende direkteur van Shoprite Holdings en Shoprite Checkers en dien in die vergoedingskomitee.



### AN van Zyl (60)

BCom LLB

#### Hoofbestuurder: Statutêre- en Regsdienste

Mnr AN van Zyl het gedurende 1981 by Pep Stores aangesluit en is in 1987 as maatskappysekretaris en eiendomsbestuurder van die Groep aangestel. Hy dien sedert 1997 as maatskappysekretaris en direkteur: regsdiens van Shoprite Holdings en is ook 'n direkteur van Shoprite Checkers en verskeie maatskappye in die Groep.



### CG Goosen (55)#\*

BCom Hons GR(SA)

#### Adjunk Besturende Direkteur

Mnr CG Goosen het gedurende 1983 as finansiële bestuurder by die Pepkor Groep aangesluit. Hy is in 1993 as finansiële direkteur in die Shoprite Holdings direksie aangestel. Tans is hy die adjunk besturende direkteur van Shoprite Holdings en direkteur van Shoprite Checkers en verskeie maatskappye binne die Groep. Hy dien in die oudit-en-risikokomitee en vergoedingskomitee van Shoprite Holdings.



### BR Weyers (56)

#### Hoofbestuurder: Bemarking

Mnr BR Weyers het hom in 1980 by die Groep aangesluit en dien in die direksie van Shoprite Checkers as direkteur: bemarking. In Februarie 1997 is hy in die direksie van Shoprite Holdings aangestel.



### B Harisunker (56)

#### Afdelingsbestuurder

Mnr B Harisunker het gedurende 1969 by Checkers aangesluit. Tans is hy die afdelingsbestuurder van die maatskappy se bedrywighede in KwaZulu-Natal, die Indiese Oseaan-eilande en Indië. Hy is in Junie 1999 in die direksie van Shoprite Checkers aangestel en in November 2002 in die direksie van Shoprite Holdings.



### JAL Basson (32)

B Rek

#### Hoofbestuurder: Hungry Lion

Mnr JAL Basson het gedurende 2002 by die Groep aangesluit. Tans is hy die hoofbestuurder van die Groep se Hungry Lion kitskosbesigheid. Hy is in September 2005 as alternatiewe direkteur in Shoprite Holdings se direksie aangestel.



### AE Karp (49)

#### Hoofbestuurder: Meubeldivisie

Mnr AE Karp het in November 1990 by OK Bazaars aangesluit. Tans is hy die hoofbestuurder van die Groep se meubelbedrywighede. Hy is in Junie 1999 in die direksie van Shoprite Checkers en in September 2005 in die direksie van Shoprite Holdings aangestel.



### M Bosman (51)

B Rek Hons GR(SA)

#### Hoofbestuurder: Groepfinansies

Mnr M Bosman het gedurende 1993 by die Groep aangesluit. Hy is in Junie 1999 as direkteur: finansies in die Shoprite Checkers Direksie aangestel en is ook 'n direkteur van verskeie maatskappye in die Groep. Gedurende September 2005 is hy as alternatiewe direkteur van Shoprite Holdings aangestel.



### EL Nel (59)

BCom STR GR(SA)

#### Hoofbestuurder: Kleinhandelbeleggings

Mnr EL Nel het gedurende 1997 by die Groep aangesluit en dien sedert 1999 in die direksie van Shoprite Checkers. Hy is gedurende September 2005 in die direksie van Shoprite Holdings aangestel en dien die maatskappy tans as hoofbestuurder: kleinhandelbeleggings.



### PC Engelbrecht (39)

BCompt Hons GR(SA)

#### Operasionele Hoofbeampte

Mnr PC Engelbrecht het gedurende April 1997 by die Groep aangesluit. Hy is in Augustus 2003 in die direksie van Shoprite Checkers aangestel en in September 2005 in die direksie van Shoprite Holdings as alternatiewe direkteur. Tans beklee hy die posisie van operasionele hoofbeampte.

## ■ NIE-UITVOERENDE DIREKTEURE



### CH Wiese (66)\*\*+

BA LLB DCom (hc)

#### Voorsitter

Dr CH Wiese is gedurende 1967 aangestel as 'n uitvoerende direkteur van Pep Stores. Sewe jaar later verlaat hy Pep Stores om aan die Kaapse Balie te praktiseer. Hy het weer by Pepkor aangesluit en is sedert 1981 uitvoerende voorsitter van Pepkor Bpk. Hy is tans die voorsitter van Shoprite Holdings en dien as voorsitter van die vergoedingskomitee en nominasiekomitee. Hy is tans voorsitter van Tradehold Bpk, Invicta Holdings Bpk en Tulca (Edms) Bpk – handeldrywend as Mango – en 'n nie-uitvoerende direkteur van KVV en die PSG Groep.



### JG Rademeyer (59)#

BCom STR GR(SA)

Mnr JG Rademeyer is sedert 2002 'n nie-uitvoerende direkteur en voorsitter van die oudit-en-risikokomitee van Shoprite Holdings. Hy was 'n vennoot en sakekonsultant by 'n groot en 'n mediumgrootte rekenmeesters- en ouditeursfirma, direkteur van 'n aantal genoteerde maatskappye in hoofsaaklik die vervaardigingsektor en ook 'n voltydse en deelydse boer. Mnr Rademeyer is tans hoofsaaklik besig met 'n private eiendomsontwikkeling.



### JJ Fouché (60)\*\*+

BCom LLB

Mnr JJ Fouché het gedurende 1973 by Pep Stores aangesluit, is gedurende 1987 as 'n direkteur van Pepkor aangestel en is tans 'n nie-uitvoerende direkteur van die Maatskappy. Hy is gedurende 1991 in die Shoprite Holdings Direksie aangestel en dien ook in die oudit-en-risikokomitee, vergoedingskomitee en nominasiekomitee van Shoprite Holdings.

## ■ NIE-UITVOERENDE ALTERNATIEWE DIREKTEUR



### JD Wiese (27)

BA (Waarde- en Beleidstudies)

Mnr JD Wiese is in September 2005 as 'n alternatiewe direkteur in Shoprite Holdings se direksie aangestel. Hy is die bemarkingsbestuurder van Lourensford en Lanzerac se wynportefeulje en dien ook in die direksie van verskeie maatskappye. Hy het ook 'n meestersgraad in Internasionale Ekonomie en Bestuur aan die Bocconi Universiteit in Italië verwerf.



### TRP Hlongwane (69)

Mnr TRP Hlongwane is in November 2002 as nie-uitvoerende direkteur in Shoprite Holdings se direksie aangestel.



### JA Louw (64)\*\*

BSc Hons B (B&A) Hons

Mnr JA Louw, 'n voormalige vise-voorsitter van Pepkor, het gedurende 1991 as nie-uitvoerende direkteur by die direksie van Shoprite Holdings aangesluit. Hy dien ook in die vergoedingskomitee en nominasiekomitee van Shoprite Holdings. Hy dien tans in die direksies van verskeie maatskappye en is vise-voorsitter van Pioneer Foods.



### JF Malherbe (79)

BCom LLB

Mnr JF Malherbe is 'n nie-uitvoerende direkteur en is in 1999 in die direksie van Shoprite Holdings aangestel. Hy is die ere-voorsitter van die regsfirma Jan S de Villiers.

# Lid van die Oudit-en-risikokomitee

\* Lid van die Vergoedingskomitee

+ Lid van die Nominasiekomitee